

Tekarihwaienawá:kon Ronathiatonhseraweiénston

Tsi nienhén:we ne Rateweiénstha Tehotohétston thonnatáhsawen, Kaniatarí:io tekenihatón:ke tsi ionteweiénstákhwaniónhkhwa ronwathará:ni iwatahsón:tere tsi nahò:ten ronteweiénstha ahonwatié:nawa'se ahatihóntera'ne ronteweiénstha tsionkwe'tátshon tsi ní:ioht tsi rotiweientehta'onhákíe tánon thoti'nikonhratihénthon. Kí:ken tsi nahò:ten ronateweiénstonhákíe ronwathirhwá:iens ne ronteweiénstha ahatirihwahserón:ni raoná:wen é:neken tsi ionteweiénstákhwa tsi nihotiia'tawén:'en ia'tahontóhetste ne kwah ken'niiotikióhkwake ne asé'tsi tánon ísi nón:we tsi ahatiweientehta'ne na'teiorì:wake. Kí:ken na'teiorì:wake í:kare Tékeni Aesahiatonhkwaién:take, Karihwano:ron Kwah é:neken rotiweientehta':on, tánon Tekarihwaienawá:kon Ronathiatonhseraweiénston

Kí:ken tsi nahò:ten ronteweiénstha ioríhwawa'se ahatihóntera'ne ne tsi nahò:ten teitonhontsióhon, thoti'nikonhratihénthos tánon rotiiatahni:ron ne akwé:kon ronteweiénstha, ronwathia'táhrha ahatiweientehta'ne tánon sénha ahonwatiweienén:ta'ne ne tahontóhetste ne tékeni iawén:re tsi kahiá:ton tánon tsi nihonnónhnes.

Oh nahò:ten ne Tekarihwaienawá:kon Ronathiatonhseraweiénston? (Co-Op)

- Tekarihwaienawá:kon Ronathiatonhseraweiénston né:'e ne Kakorahtsherá:kon rotirihwanonhwé:'on tsi nahò:ten ronteweiénstha thí:ken iakorihwá:wis ronteweiénstha tahontén:tsha tekenihatón:ke nó:nen enhatíhsa ne kaio'ténhsera tsi nón:we enhotiio'ténhsera. Ne tsi nahò:ten ronteweiénstha tho nón:we ní:kare né:'e ne kaio'ténhsera enhatíhsere ie'nikòn:rare né:'e ne tekarihwaienawá:kon iakothiatonhseraweiénston iakorihonnién:ni, ne kioteróhon kahiatonhseríson enhatíhsere thikawenní:io tsi nahò:ten ronteweiénstha tánon ne kaio'ténhsera tsi nón:we enhotiio'ténhsera.

- Ronteweiénstha enwá:ton enhontatshén:naren tékeni tekarihwaienawá:kon kaio'ténhsera ahotihiatonhkwaién:ta'ne ia'tenhatí:iehste kaia'takwe'ní:io é:neken tsi ionteweiénstákhwa teiontohetstákhwa teitonhontsióhon thikawenní:io tsi ní:kon tahontén:tsha tsi ní:kon rotirákwen kioteróhon kaio'ténhsera ahotihiatonhkwaién:ta'ne. Kioteróhon-kaio'ténhsera tsi nón:we ienhotiio'ten karihwahserón:ni ne ronteweiénstha ne raoná:wen tekenihatón:ke tsi ionteweiénstákhwa tánon entá:on'k enhatíhsere Kakorahtsherá:kon ne Ronathiatonhseraweiénston kaianerenhsera tánon ratiianerenhseráhsere.

Ónhka akorihwá:ke?

- Kioteróhon-kaio'ténhsera tsi nahò:ten ronteweiénstha né:'e raoná:wen ne tekenihatón:ke ronteweiénstha ónhka tho nihononhtonion'tsherò:ten ne ronwatirihonniennihákíe, tsiionteweiénstahkhwa'kó:wa tsi ionterihwaweiénstahkhwa'kowáhne tóka ó:ni ne tsi nón:we nihotiió'te.

Aonhá:'a tenhonaterihwa'erákwahse ne Kioteróhon-kaio'ténhsera tsi nahò:ten ronteweiénstha

Kioteróhon-kaio'ténhsera ronteweiénstha ronate'shén:naien ne:

- Ken'niahatí:iere tsi ahatiweientéhta'ne
- Ahóntken'se ahontó:re ne ahserá:ko
- Ahontkáhtho tsi niiorihowá:nen ne tsi nón:we kanónhskon, tsi iontweiénstákhwa rotiweientehta'onhákíe
- Tahontén:tsha ahotihatonhkwaién:ta'ne tsi nón:we nihotiió'ténion tsi ní:ioht tsi tenhontóhetste
- Ratihrihwahsonterónnion ne teiotonhontsióhon ateweiéntáhtshera tánon tsi nenkaieránion teiotonhontsióhon tsi nón:we nihotiió'ténion
- Ahotiién:ta'ne iorihowá:nen kaio'ténhsera ahatiweientéhta'ne thí:ken ahotiié:nawa'se ahonhsonteron ahontathiatonhserísahse ne iotohétston tekenihatón:ke tsi nahò:ten ronteweiénstha tánon tsi ní:iore enhatiió'tenhserisákha.ent.

Ka'nón:we ne Kioteróhon-kaio'ténhsera tsi nahò:ten ronteweiénstha tehsakotirihonnién:ni? Oh ní:ioht ne sénha akerihwatshén:ri?

- Akwé:kon Kaniatarí:io ohén:ton rón:nete tsi ionteweiénstahkwaniónhkhwa ronwatikwatakwén:ni Kioteróhon-kaio'ténhsera tsi nahò:ten ronteweiénstha. Ne sénha orihwa'shón:'a tia'tshiatenwennáta'as sonkwè:ta ohén:ton í:rate tsi ionteweiénstákhwa tóka ó:ni ne Rateweiénstha Tehotohétston ranenhrí:nes ne sá:wen ohén:ton rón:nete tsi ionteweiénstahkwaniónhkhwa. Sénha tekarihwathè:ton orihwa'shón:'a ne Kioteróhon Ronathiatonhseraweiénston enwá:ton enkatshénrion ne:
www.ontario.ca/studentsuccess.